

**ლანჩხუთის მუნიციპალიტეტის საკრებულოს
ფრაქცია „ქართული ოცნება-დემოკრატიული საქართველოს“
სხდომის ოქმი №10**

**ქ.ლანჩხუთი
26.11.2019 წელი**

**სხდომას ესწრებოდა: ფრაქცია „ქართული ოცნება-დემოკრატიული საქართველოს“
თავმჯდომარე ბესიკ კუპრაძე**

ფრაქციის წევრები:

**ზაალ სანაძე, გიორგი ჩახვაძე, გიორგი გვარჯალაძე, კახა ბოლქვაძე, ციცილო ჩხაიძე,
ბესიკ ტაბიძე, კახა თედორაძე.**

**მოწვეული პირები: ლანჩხუთის მუნიციპალიტეტის მერი ალექსანდრე სარიშვილი,
მერიის საფინანსო-საბიუჯეტოს სამსახურის უფროსი როლანდ ლაშხია.**

ფრაქციის თავმჯდომარე, ბესიკ კუპრაძემ სხდომას გააცნო დღის წესრიგის პროექტი:

**1.„ლანჩხუთის მუნიციპალიტეტის 2020 წლის პრიორიტეტების დოკუმენტის
დამტკიცების შესახებ“ ლანჩხუთის მუნიციპალიტეტის საკრებულოს განკარგულების
პროექტის განხილვა.**

/მომხსენებელი ბესიკ კუპრაძე/

**2.„ლანჩხუთის მუნიციპალიტეტის საკრებულოს 2020 წლის ბიუჯეტის
დამტკიცების შესახებ“ ლანჩხუთის მუნიციპალიტეტის საკრებულოს დადგენილების
მისაღებად ადმინისტრაციული წარმოების დაწყების თაობაზე“ ლანჩხუთის
მუნიციპალიტეტის საკრებულოს განკარგულების პროექტის განხილვა.**

/მომხსენებელი ბესიკ კუპრაძე/

3. სხვადასხვა

ფრაქციის თავმჯდომარე, ბესიკ კუპრაძემ კენჭი უყარა დღის წესრიგის პროექტს:

მომხრე 8, წინააღმდეგი არცერთი

**დღის წესრიგის პირველი საკითხი: „ლანჩხუთის მუნიციპალიტეტის 2020 წლის
პრიორიტეტების დოკუმენტის დამტკიცების შესახებ“ ლანჩხუთის მუნიციპალიტეტის
საკრებულოს განკარგულების პროექტი სხდომას გააცნო ლანჩხუთის მუნიციპალიტეტის**

მერიის საფინანსო-საბიუჯეტო სამსახურის უფროსმა როლანდ ლაშხიამ. მან აღნიშნა, რომ ბოლო წლებში არსებული სტრატეგიის შესაბამისად პრიორიტეტულ მიმართულებებზე მიმართული სახსრების ზრდამ შესაძლებელი გახადა ადგილობრივი ინფრასტრუქტურის განვითარება, რითაც თავის მხრივ, უზრუნველყოფილი იქნება მუნიციპალიტეტში მცხოვრები მოსახლეობის სოციალური მდგომარეობის გაუმჯობესება, მუნიციპალიტეტში ახალი სამუშაო ადგილების შექმნა, კულტურისა და სპორტის სფეროების განვითარება.

ზემოაღნიშნულის გათვალისწინებით 2020-2023 წლებში მუნიციპალიტეტის სტრატეგია თითქმის უცვლელია და მოიცავს ადგილობრივი ინფრასტრუქტურის განვითარებას, მოსახლეობის სოციალური პირობების გაუმჯობესებას, საზოგადოებრივი უსაფრთხოების უზრუნველყოფას, ჯანსაღი ცხოვრების წესის დანერგვას და სკოლამდელი განათლების ხელშეწყობას. ლანჩხუთის მუნიციპალიტეტის ძირითადი პრიორიტეტებია:

- ინფრასტრუქტურის განვითარება;
- დასუფთავება და გარემოს დაცვა;
- განათლება;
- კულტურა, ახალგაზრდობა და სპორტი;
- მოსახლეობის ჯანმრთელობის დაცვა და სოციალური უზრუნველყოფა.

ფრაქციის თავმჯდომარე ,ბესიკ კუპრაძემ კენჭი უყარა განკარგულების პროექტს:

მომხრე 8, წინააღმდეგი არცერთი

დღის წესრიგის მეორე საკითხი: მერიის საფინანსო-საბიუჯეტო სამსახურის უფროსმა, როლანდ ლაშხიამ განაცხადა, რომ ლანჩხუთის მუნიციპალიტეტის 2020 წლის ბიუჯეტის დაგეგმვისას მაქსიმალურად ყოფილიყო გათვალისწინებული ის ამოცანები, რაც ზოგადად, დაკისრებული ფუნქცია-მოვალეობების შესრულებისთვისაა საჭირო. აქედან გამომდინარე, ლანჩხუთის მუნიციპალიტეტის ეკონომიური მდგომარეობის გათვალისწინებით, 2020 წლის ბიუჯეტი განისაზღვრა 10742000 ლარით. როგორც ცნობილია, ბიუჯეტი შედგება შემოსავლებისა და ხარჯვითი ნაწილისაგან. რა თქმა უნდა, განხილვის პროცესში წამოიჭრება გარკვეული შენიშვნები და მოთხოვნები, მაგრამ წარმოდგენილი პროექტი გახლავთ დაბალანსებული. როგორც პროექტიდან ჩანს, არის გარკვეულ ფარგლებში მატებები დამატებითი ღირებულების გადასახდის ხარჯზე, სხვა მხრივ კი, მუნიციპალიტეტის 2019 წლის ბიუჯეტის გათვალისწინებით ძირითადად შენარჩუნებულია იგივე მაჩვენებლების დონე. აქედან გამომდინარე, დღგ-ის ზრდის ხარჯზე შესაძლებლობის ფარგლებში ამოცანების მიხედვით თანხები გადანაწილებულ იქნა კონკრეტულ ა(ა)იპ-ებსა და კონკრეტულ საბიუჯეტო დონისიბებზე. მერიის საფინანსო-საბიუჯეტო სამსახურის უფროსმა ასევე აღნიშნა, რომ ბიუჯეტის პროექტში არ არის წარმოდგენილი სახელფასო მატება, რადგან ამას ესაჭიროება შესაბამისი ფინანსური რესურსი. 2020 წელში სექტემბრიდან სკოლამდელ დაწესებულებებში იგეგმება ხელფასების ზრდა, რომელიც შეეხება თანამშრომლების გარკვეულ კატეგორიას და არა ადმინისტრაციას. წარმოდგენილ პროექტში ამ კუთხით შესაბამისი რესურსი არ დევს, მაგრამ მიმდინარეობს გარკვეული სამუშაოები და როდესაც გამოვა მთავრობის შესაბამისი განკარგულება, იგი აუცილებლად უნდა შესრულდეს. იმ პერიოდისთვის, მუნიციპალიტეტი იქნება მზად შესაბამისი ფინანსების მოძიების კუთხით და რეალური შემოსავალიდან გამომდინარე, თუ როგორ და რა დონით მოხდება ხელფასების ზრდა სკოლამდელ დაწესებულებებში.

ფრაქციის წევრების მიერ ბიუჯეტის ფორმირებასთან დაკავშირებით გამოითქვა შემდეგი რეკომენდაციები :

1. ააიპ ლანჩხუთის კეთილმოწყობისა და მომსახურების ცენტრის ბიუჯეტს დაემატოს 50 000 ლარი და ზაფხულის სეზონის მოსვლასთან დაკავშირებით გაეზარდოს დაფინანსება აუცილებელი მოთხოვნილებებიდან გამომდინარე შესაძლებლობის ფარგლებში.
2. კულტურის გაერთიანებას დაემატოს 55 000 ლარი ფოლკლორული ჯგუფებისთვის ფორმების შესაძენად.
3. სახელოვნებო სკოლებს დაემატოს 4 800 ლარი რათა მის დაქვემდებარებაში არსებული ობიექტები დაცვაზე იქნას აყვანილი.
4. გენდერულ საბჭოს დაემატოს 5000 ლარი.
5. მოსაწესრიგებელია ლანჩხუთის მუნიციპალიტეტის შენობაში არსებული საპირფარეო.
6. ლანჩხუთის მუნიციპალიტეტის ბიუჯეტის პროექტით გათვალისწინებულია ხელფასების მოწესრიგება, რომელიც სასურველია შეეხოს ყველა დონის სპეციალისტს, რისთვისაც დამატებით საჭიროა დაახლოებით 28000 ლარის მოძიება.
7. ქალთა საფეხბურთო სკოლას გაეზარდოს ბიუჯეტი 20 000 ლარით.
8. საფეხბურთო სკოლის სახელფასო ფონდის შესავსებად საჭიროა 17 000 ლარის დამატება.
9. აუცილებელია გამოიყოს თანხა, რათა მოეწყოს მაწანწალა ძაღლების თავშესაფარი.
10. რელიგიური ორგანიზაციების ხელშეწყობისათვის ბიუჯეტში გამოყოფილი 40 000 ლარი მუნიციპალიტეტის ადმინისტრაციულ ერთეულებში მდებარე მონასტრებს მოხმარდეს საჭიროების შემთხვევაში.

ფრაქციის თავმჯდომარე ბესიკ კუპრაძემ კენჭი უყარა განკარგულების პროექტს:

მომხრე 8, წინააღმდეგი არცერთი

სხვადასხვა

ვალოდია წულაძის სახელობის თეატრისა და კინოს მუზეუმის დირექტორმა მაყვალა ჩხაიძემ წერილით მომართა ფრაქცია „ქართული ოცნება დემოკრატიულ საქართველო“-ს და ითხოვა სიტყვით გამოსვლის უფლება.

ფრაქციის თავმჯდომარე ბესიკ კუპრაძემ ფრაქციის სხდომაზე სიტყვით გამოსვლის ნება დართო.

მაყვალა ჩხაიძის განმარტებით, მიმდინარე წელს მუნიციპალიტეტში სახელმწიფო აუდიტის სამსახურის მიერ ჩატარებული შემოწმება სრულიად დაუსაბუთებელია, რომელიც შეეხება მუზეუმების საქმიანობას. მისი თქმით აუდიტს დარგობრივი სპეციალისტების უშუალო მონაწილეობით უნდა ჩატარებინა ფონდის საქმიანობის შემოწმება.

ლანჩხუთის მუნიციპალიტეტის მერმა ალექსანდრე სარიშვილმა აღნიშნა, რომ სახელმწიფო აუდიტის საბოლოო დასკვნა არ არის ცნობილი და შესაბამისად ამ საკითხზე გადაწყვეტილება ჯერ არ მიღებულა.

ამით ფრაქციის სხდომამ მუშაობა დაასრულა.

ბესიკ კუპრაძე

ფრაქციის თავმჯდომარე
ფრაქცია "ქართული ოცნება-დემოკრატიული საქართველო"